



**PREDSJEDNIK KLUBA ZASTUPNIKA
STRANKE ZA BOSNU I HERCEGOVINU
MUAMER BANDIĆ
muamer.bandic@ks.gov.ba**

**BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA**

Predsjedavajućem Skupštine Kantona Sarajevo

Na osnovu člana 106., u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka), podnosim sljedeću

ZASTUPNIČKU INICIJATIVU

upućenu Ministarstvu zdravstva Kantona Sarajevo i Javnoj ustanovi „Dom zdravlja Kantona Sarajevo“, kojom zahtijevam osiguranje dodatnog tima porodične medicine u ambulanti Brijesće, kao i organizaciju rada ambulante u drugoj smjeni.

O B R A Z L O Ž E N J E

U ambulanti Brijesće trenutno funkcioniše samo jedan tim porodične medicine, dok je broj aktivnih medicinskih kartona dostigao približno 3.000 pacijenata. Prema zvaničnim podacima, u naselju Brijesće živi više od 9.000 stanovnika, što jasno ukazuje da postojeći kadrovski i organizacijski kapaciteti nisu dostatni za obezbjeđenje kontinuirane i kvalitetne primarne zdravstvene zaštite.

Preopterećenost postojećeg tima rezultira produženim listama čekanja i stvaranjem gužvi u ambulanti, nezadovoljstvom pacijenata i smanjenom mogućnošću individualnog pristupa njihovim zdravstvenim potrebama, otežanim obavljanjem poslova medicinskog osoblja i padom kvaliteta pruženih usluga.

Standardi primarne zdravstvene zaštite zasnivaju se, između ostalog, na normiranju broja osiguranih lica po jednom timu porodične medicine, upravo radi sprečavanja preopterećenja i obezbjeđenja dostupne i kvalitetne zdravstvene zaštite. U konkretnom slučaju, broj registrovanih pacijenata u odnosu na jedan tim, kao i ukupan broj stanovnika naselja, ukazuju da su ovi standardi faktički prekoračeni.

Uspostavljanjem dodatnog tima porodične medicine i organizacijom rada ambulate Brijesće u dvije smjene poboljšali bi se uslovi rada zdravstvenih radnika i spriječio prekomjerni rad, smanjile bi se gužve i vrijeme čekanja, te povećala dostupnost zdravstvene zaštite stanovništvu, a osigurao bi se viši nivo zaštite prava pacijenata na blagovremenu i kvalitetnu primarnu zdravstvenu uslugu.

Polazeći od navedenog, kao i od obaveze Kantona Sarajevo da putem nadležnog ministarstva i javnih zdravstvenih ustanova obezbijedi jednaku i dostupnu primarnu zdravstvenu zaštitu svim građanima, predlaže se da Ministarstvo zdravstva Kantona Sarajevo, u saradnji sa JU „Dom zdravlja Kantona Sarajevo“, u što kraćem roku preduzme potrebne organizacione i kadrovske mjere radi odobravanja i uspostave dodatnog tima porodične medicine u ambulanti Brijesće te organizovanja rada ambulate u dvije smjene, u skladu sa važećim standardima i normativima primarne zdravstvene zaštite.

PREDSJEDNIK KLUBA
ZASTUPNIKA STRANKE ZA BIH



29.12.2025. godine

Muamer Bandić